

經部

欽定四庫全

.經 部 五禮通考卷八十四

詳校官侍郎臣劉耀雲

給事中臣温常段投勘 校對官中書臣吳甸華 總校官進士臣終 磨録監生臣陸維新

骐

· 大日日日 日日 史世祖本紀中統二年九 宗廟制度 五禮題考 月庚申朔韶以呼圖克哈齊 刑部尚書秦惠田撰 世祖本紀至元三年十月太廟成丞相安圖巴延言祖 次而東 皇兄皇后第六室皇兄皇后第七室凡室以西為上以 皇她第三室皇伯考伯她第四室皇伯考伯她第五室 七室之制皇祖皇妣第一室皇伯考伯此第二室皇考 祭祀志至元元年冬十月奉安神主于太廟初定太廟 世祖本紀中統四年三月癸卯初建太廟 蕙田紫是年世祖入都於燕

宗世數尊諡廟號增祀四世各廟神主配享功臣法服 后第三室皇伯珠徹皇伯此布屯綽克紫色第四室皇伯 祖姚光獻皇后第二室太宗英文皇帝皇伯姚昭慈皇 祭器等事皆宜定議命平章政事趙璧等集羣臣議定 とこうこと ハーラー 元皇帝皇曹祖姚宣懿皇后第一室太祖聖武皇帝皇 月太廟成趙壁等集議製尊諡廟號定為八室烈祖神 祭祀志至元三年秋九月始作八室神主設祏室冬十 為八室 五禮通考

蓋從上而下底齊跌方一尺厚三寸皆準元祐古尺圖 神主於柘室歲用冬祀如初禮 神主至元三年始命 至憲宗桓肅皇帝自節皇后第八室十一月戊申奉安 皇姓莊聖皇后第六室定宗簡平皇帝欽淑皇后第七 考察哈位皇伯此伊義其第五室皇考廣宗景襄皇帝 太保劉東中考古制為之萬一尺二寸上頂圓徑二寸 八分四廂合刻一寸一分上下四方穿中央通孔徑九 金员匹庫全書 分以光漆題尊諡於背上匱跌底蓋俱方底自下而上 卷八十三

銷金雲龍絲羅複擬撰祝文書祝讀祝皆翰林詞臣掌 綺蔵以楠木縷金雲龍匣塗金鎖鑰韜以紅錦囊蒙以 一每室紅錦厚褥一紫錦薄褥一黄羅覆帳一龜背紅簾 主用曲几黄羅帕覆之后主用直几紅羅帕覆之柘室 主及置跌皆用栗木匱跌並用玄漆設柘室以安奉帝 之祝版攝事用之制以楸木長二尺四寸廣一尺二寸 大三日日 日本 二十有四簡貫以紅紙條面用膠粉塗飾背飾以絳金 一緣以黃羅帶飾祝有二祝冊親祀用之製以竹每副 五禮通考

色純者有副牛一其角握其色赤有副羊其色白豕其 室稱孝孫嗣皇帝臣某睿宗室稱孝子嗣皇帝臣某幣 厚一分其面背飾以精潔楮紙祝文至元時享於太祖 每室十有二品凡犯先期命責臣率獵師取鮮種鹿死 室三登和羹每室三鉚邁之實每室十有二品豆之實 以白繪為之每段長一丈八尺性齋庶品大祀馬一用 色黑鹿凡馬牛羊鹿牲體每室七盤單室五盤太羹每 以供脯鸛酯臨稻粱為飯每室二簋黍稷為飯每室二

金页正是有意

為真尊之實每室十有一明水玄酒用陰鑑取水於月 剪皆列室用之羊一豕一道之實二栗鹿脯豆之實二 青祖鹿鶇 二實泰簋之實稷爵尊之實酒皆七祀位 巴喝如雅野雞鶴黃羊呼濟、胸具水道乳葡萄酒以國禮割 **鬯用鬱金為之五齊三酒醖於光禄寺天鶩野馬塔爾** 各用之祭器遵十有二幂以青巾巾總絲雲豆十有四 俎七以載牲體皆有內後以盤貯牲體盤置俎上內不 たこりをから 一實毛血一實脾骨登三劍三有和藍二簋二有七著 五禮通考

賣以沙巴上並陳室内燎爐一實以炭龍一實以蕭萬 季程祝案一紫羅衣置祝文于上銷金絳羅覆之雞桑 特祭用之凡雞異等暴虎髮以實明水鳥奏黃蟲雖奏 用香案一銷金絳羅衣銀香門一銀香盒一茅首盤一 一有舟加勺秋冬用之虎異一有舟雌異一有舟加勺 用之太尊二山尊二特祭用之尊皆有玷勺幂以白布 以實學樣尊二象尊二春夏用之者尊二壺尊二秋久 有舟鳥奏一有舟加勺春夏用之学奏一有舟黄奏

金月正是有書

たこり 10mm 11mm 11mm 央墨洗所墨二洗二一以供爵滌一以供盥潔篚二實 殿下北向西上設而不酌每室皆同通廊御香案一銷 外壺尊二太尊二山罍四皆有玷加幂籍以莞席並陳 同罍一洗一篚一 金黃羅衣銀香奩一貯御祝香銷金帕覆之並陳殿中 以璋瓚巾塗金銀爵七祀神位遵二豆二簠一簋一俎 爵一有站香案一沙池一壺尊二有站加第七祀皆 巾繒黼文著尊二山罍二皆有玷加幂巳上並陳室 五禮通考 Ь

官楊天祐太祝郭敏董其事省臣言太廟殿室向成宮 籍户充之合用樂器官為置備制可命中書省臣議行 縣樂文武二舞未備凡用人四百一十二請以東平漏 先是東平萬户嚴光範奏太常登歌樂器樂工已完官 禮樂志至元三年初用宮縣登歌樂文武二舞於太廟 于是中書命左三部太常寺少府監於與禪寺置局委 縣樂器成備請徵東平樂工赴京師肄習以俟享廟制 可冬十有一月有事於太廟官縣登歌樂文武二舞成

金月四月五十

嘉成文舞退武舞進曰和成亞終獻酌獻曰順成徹豆 宗曰熙成憲宗曰威成初獻升降日肅成司徒奉俎曰 廟殿柱朽壞監察御史劾都水劉晟監造不敬段以憂 考珠齊曰弼成皇伯考察哈岱曰協成曆宗曰明成定 太祖奉所落鬚髮東上部櫝之藏于太廟夾室九月太 備其迎送神曲曰來成烈祖曰開成太宗曰文成皇伯 欠己り 日上上十二日 世祖本紀至元八年二月庚申奉御玖珠舊以梳樹奉 日豐成文舞日武定文綏之舞武舞日內平外成之舞 五禮通考

其、祐室栗主宜用絲與遷納舊主并牌位安置于箱為 安置金椅下禮有非宜今擬合以金牌位選于八室內 是脩廟皆如之 修奉選票主金牌位與舊神主于饌幕殿工里奉安自 十二年五月檢討張謙呈昔者因修太廟奉遷金牌位 祭祀志八年八月太廟柱朽從張易言告於列室而後 死張易請先期告廟然後完葬從之 ,饌幕殿設以金椅其栗主却與舊主牌位各貯廂內

金月口月子

大三日日十二十 題 宜九月丁丑勒太廟牲復用牛十月已未遷金牌位于 率都官别殿西漢亦各立廟東都以中興崇儉故七室 奉無所博士議日合存柘室栗主舊置神主牌位俱可 十四年八月乙丑詔建太廟于大都博士言古者廟制 隨時埋瘗不致神有二歸太常少卿以聞制曰其與張 仲謙諸老臣議行之 有金牌位其日月山神主及中統初中書設祭神主安 八室内太祝兼奉禮郎申屠致遠言竊見木主既成又 五禮通考

金月口屋石書 同堂後世遂不能革

税以示崇高重擔列楹以示嚴肅劉舊其角以示麗而 皆南向主皆東向都宫周于外以合之牆宇建于内以 别之門堂室寝一一分方庭砌堂除區區異地山節藻 在都內之東南太祖中位乎北三昭在東三穆在西廟 王圻續通考十四年東平趙天麟策畧曰天子立七廟

不奢瘦之用茅以示儉而有節此蓋廟之制度也祖功

宗德百世不易親盡之廟因親而被被舊主于太祖之

村而穆不選二世桃則四選於二世而六世選于四世 世遷于五世以九世稍移之南廟矣孫以子科于祖父 昭馬穆以取其深遠而常從其穆馬穆科而昭不動昭 廟之桃科也散齋七日致齊三日壮壮肥脂吉酒嘉栗 主既藏給則出餘則否科廟貴新易其擔改其途此蓋 ここりう ここう 以八世科昭之南廟矣三世秋則五世遷于三世而七 夾室祔新主于南廟之中室昭以取其向明而自班乎 孫可以為王父尸由其昭穆之同非有尊甲之辨故祧 五禮面考

· 實禮成九獻辟公卿士奔執豆邁此蓋廟之時祭也太 青寶設守被所掌之遺衣陳爽世遞傳之宗器王后及 膏鄰綸宜胳脯膳膏腺當宜犢靡膳膏腥烝宜蟲羽膳 一 粢盛豐潔器四具備衣服既鮮水火又明祠宜羔豚膳 益廟之稀祭也伏望陛下斷出天表力行古道一新太 蓋廟之袷祭也三年大祭祭祖之所出以始祖配之此 制禮四時但陳未毀而祭之五年兼其已毀而祭之此 祖廟主循常東面移昭南穆北而合食就已毀未致而

有干名犯分故投寬網之民哉 廟之儀章嚴接春秋之祭祀則上下和悅朝野無虞尚 殿七廟九廟之制祭法云天子立七廟三昭三穆與太 令博士李天麟齊往上都分議可否以聞一日都官别 廟制據博士言同堂異室非禮以古今廟制畫圖貼說 元史祭祀志十五年五月九日太常卿還自上都為議 蔥田案天麟詞約而義販可謂精於考禮者 **矣惟五年一祫三年一禘尚仍舊說** 五禮通考

常在左穆常在右而外有以不失其序一世自為一廟則 後有寝也廟以藏主以四時祭寝有衣冠几杖象生之 祖之廟而七諸侯大夫士降殺以两晉博士孫無以謂 具以薦新物天子太祖百世不遷宗亦百世不遷萬祖 以次而南是也前廟後寝者以象人君之居前有朝而 昭不見穆穆不見昭而內有以各全其尊必給享而會 外為都官內各有寝廟别有門垣太祖在北左的右移 以上親盡則遞遷昭常為昭穆常為穆同為都官則的

金月正月月

卷八十三

欠日日年上書 里 立萬圍亞圍二廟于公叔太王王季文王二昭二穆之 廟所以盡事七如事存之義然漢儒論七廟九廟之數 於太祖之廟然後序其尊里之次益父子異官祖稱異 孝王時始立武世室于三昭之上是為九廟矣然先儒 封文王武王受命而王是以三廟不毀與親廟四而七 其說有二章玄成等以謂周之所以七廟者以后稷始 上巳為七廟矣至懿王時始立丈世室于三穆之上至 也如劉歆之說則周自武王克商以后稷為太祖即增 五禮通考

窮極肚麗而設祭一室不過尋丈甚或無地以容則俎 堂異室之制先儒朱熹以謂至使太祖之位下同孫子 抑遺語無起寝廟但藏其主於光武廟中更衣别室其 多是劉歆之說二曰同堂異室之制後漢明帝尊儉自 金月正月月十 而陰損其數子孫之心于此宜亦有所不安矣且如命 上厭祖考不得自為一廟之主以人情論之生居九重 而更僻處於一隅無以見為七廟之尊孝廟之神則又 後童帝又復如之後世遂不敢加而公私之廟皆用同

堂有失人子事亡如事存之意矣 廟制至元十七年新作于大都前廟後寝正殿東西七 欠三日草白馬 图 况天子貴為一人富有四海而祖宗神位數世同處 士以上其父子婦姑猶且異處謹尊甲之序不相褻瀆 隅重屋號角樓正南正東正西宫門三門各五間皆號 間南北五間内分七室殿陛二成三階中曰泰階西曰 西陷東口作階寝殿東西五間南北三間環以宮城四 **蕙田案两條明正無疵** 五禮通考

南東向法物庫儀屬庫在官城之東北皆南向都監局 禮使助真七祀獻官等齊室皆西向雅樂庫在官城西 宫城之東東垣門內少北一四向其南為亞終獻司徒大 間在官城南門之東南向齊班廳五間在官城之東南 通街两旁井二皆覆以亭宫城外繚以崇垣饌幕殿七 神門殿下道直東西神門日横街直南門日通街魔之 金母四月百十 西向省饌殿一間在宫城東門少北南向初獻齋室在 在其東少南西向東垣之内環築牆垣為别院內神厨

官厨五間在神厨院南西向宫城之南復為門與中神 主八位并日月山板位聖安寺木主俱遷甲午和雨果 井亭南西向祠祭局三間對神厨局北向院門西向百 為諸執事齊房築崇墉以環其外東西南開橋星門三 已承吉和商果斯太常卿達春托果斯等以福室内栗 門相值左右連屋六十餘間東掩蘇班廳西值雅樂庫 **局五問在北南向并在神厨之東北有亭酒庫三間在** 門外馳道抵齊化之通衢十二月甲申告選于太廟癸

沙定四車全書 1

五禮通考

尊祖宗當從都官别殿之制欲崇儉約當從同堂異室 世祖本紀十九年二月修宮城太廟 斯太常即色勒敏幸百官奉太祖春宗二室金主于新 廟安奉し未毀舊廟 更造餘依太常卿新圖建之遂為前廟後寝廟分七室 (廟除正殿寝殿正門東西門已建外東西六廟不須 /制三月十一日尚書段諾海及太常禮官奏日始議 八年二月博士李時行等議歷代廟制俱各不同欲

久已日年上十二四· **歳久就壞音律不協遂補鑄編鐘八十有一合律者五** 安神主别殿 禮樂志二十三年呼圖克伊編又奏太廟樂器編鐘笙勉 世祖本紀至元二十二年十二月巳未丹太廟楹 祭祀志二十一年九月廟室挂鐵網釘繁籠門告成 二十三年九月乙丑以太廟雨壞遣鴻吉喇岱致告奉 二十一年三月丁卯太廟正殿成奉安神主 造笙匏三十有四 五禮通考

遣攝太尉鄂都低奉冊上尊諡曰聖德神功文武皇帝 禮樂志三十一年世祖裕宗科廟命大樂署編運曲譜 廟號世祖 世祖本紀二十五年五月丁未奉安神主于太廟 祭祀志二十四年二月翰林院言舊院屋敝新院屋纔 六間三朝御容宜于太常寺安奉後仍遷新院 金月正左人士 舞節翰林定誤樂童世祖室曰混成之曲裕宗室曰的 三十一年四月皇孫至上都甲午即皇帝位五月戊午

京 武宗本紀大徳十一年五月即位于上都六月丁酉中 翰林集賢太常老臣集議皇帝嗣登寶位韶追尊皇者 書石丞相哈剌哈遜達爾罕左丞相塔喇海言臣等與 成宗本紀大徳六年五月戊申太廟寝殿災 為皇帝皇考大行皇帝同母兄也大行皇帝科廟之禮 祭祀志三十一年成宗即位追尊皇考為皇帝廟號裕

五禮通考

皇考及大行皇帝尊諡廟號又上先元妃鴻吉哩氏尊 先元如鴻吉哩氏實理達喇宜諡曰真慈静懿皇后科 第二室裕宗西第三室順宗東第一室成宗東第二室 皇帝廟號成宗太祖之室居中春宗西第一室世祖西 皇考昭聖行孝皇帝廟號順宗大行皇帝曰欽明廣孝 尚未舉行二帝神主依兄弟次序科廟為宜今宜請益 諡科于成宗廟室 成宗廟室制曰可九月壬申命塔剌海奉王冊玉寶上

金丘匹库全書

悉ハナ三

成之曲成宗室曰守成之曲 禮樂志大德十一年武宗即位九月順宗成宗二室科 たこりうこいう 廟下大樂署編運曲譜舞節翰林譔樂章順宗室曰慶 稍食于所出之帝而各為立廟已非禮矣况成宗為 能逃其责乎 君時順宗為臣豈有依次陞科而躃順宗於成宗之 胡氏粹中日睿宗裕宗順宗皆未當居天子位但當 上者乎失禮之中又失禮馬哈喇哈遜何偉諸臣何

蓝又上唇宗景襄皇帝尊a齒既及莊聖皇后尊a該執 武宗本紀至大二年十月立太廟廪機署設令还各一 請太祖睿宗尊益于天擇日請光獻皇后在聖皇后尊 祭祀志武宗至大二年十月以将加蓝太祖庵宗擇日 員十二月上太祖聖武皇帝尊諡廟號及光獻皇后尊 金月四月全書 諡于廟改製金表神主題寫尊諡廟號十二月乙卯奉 事者人性散階一等賜太廟禮樂户到帛有差 王冊王寶加上太祖聖武皇帝尊臨曰法天政運廟號 老ハ十三

武宗本紀至大四年春正月庚辰帝崩于王德殿夏五 旁自是主旨範金作之如金表之製 月七末文武百官額森特移兩等上尊該日仁惠宣孝 皇帝廟號武宗閏七月丙午科于太廟 號唇宗莊聖皇后曰顯懿其猜制金表神主以續貯两 太祖光獻皇后日翼聖加上層宗景襄皇帝曰仁聖廟 改用範金自是竊盗之患作矣 **蕙田案元初考定神主用木最為得禮武宗** 互避通

一欽定匹庫全書 樂譜舞節翰林選樂章曲名曰歆成之曲 宗皇帝御客 譜舞節翰林侍學士張士觀誤樂章曲名威成之曲 禮樂志四年夏六月武宗科廟命樂正謝世寧等編曲 博士檢討歷代典故移書禮部中書集議曰古者天子 祭祀志延祐七年仁宗升祔增置廟室太常禮儀院下 禮樂志延祐七年仁宗科廟命樂正劉瓊等編運酌獻 仁宗本紀延祐五年十一月敕大永福寺創殿安奉順

寺五月辛丑太常禮儀院進太廟制圖 典故權于廟內止該幄座面南安奉今相視得七廟近 南對室地位東西一丈五尺除設幄座外餘五尺不妨 祭七代兄弟同為一代廟室皆有神主增置廟室又議 大行皇帝升科太廟七室皆有神主增室不及依前代 祭祀志元年正月乙酉始命于太廟垣西北建大次殿 英宗本紀至治元年二月已酉作仁宗神御殿于普慶 行禮乃結絲為殿置武宗室南權奉神主).L., 五禮通考

|室增為十四間東西各一間唐九廟後增為十一宋增 寝殿災請以今殿為寝别作前廟十五間中三間通為 室至十八東西夾室各一問以藏桃主今太廟雖分八 金定匹库全書 室然兄弟為世止六世而己世祖所建前廟後寝往歲 臣議謹案前代廟室多寡不同晉則兄弟同為一室正 五月中書省臣言以廟制事集御史臺翰林院太常院 太常廟制制曰善期以來歲管之 一室以奉太祖神主餘以次為室無幾情文得宜謹上 卷八十三

泰定帝本紀至治三年十二月時泰送五大廟籍仁宗 曹元用傳延祐六年授太常禮儀院經歷屬英宗躬修 英宗本紀至治二年正月庚午廣太廟 宗廟有寝有室宜以今室為寝當更管大殿於前為十 室前結終為次英宗在上京召禮官集議元用言古者 とこりらとき 祀事鋭意禮樂其親祀儀注鹵簿與服之制率所裁定 五室帝嘉其議授翰林待制陛直學士 初太廟九室合享于一殿仁宗崩無室可科乃于武宗 五禮通考

度則未之間東晉太廟正室一十六間東西儲各一 廂夾室此東西夾室之正文也買公彦曰室有東西廂 未有制度再約臺院等官議定博士議曰案爾雅曰室 夏四月六日上都分省參議義無以都堂吉太廟夾室 有東西廂曰廟注夾室前堂周書曰西夾南向注曰西 祭祀志三年春三月戊申科昭獻元聖皇后于順宗室 曰廟其夾皆在序是則夾者猶今耳房之類也然其制 及莊懿慈聖皇后金主壬申作仁宗主

金方正月石書

安後雖增建一室其夾室仍舊是唐宋夾室與諸室制 藏于夾室西壁南北三間又宋哲宗亦當于東夾室奉 共十有八所謂儲者非夾室與唐貞觀故事遷廟之主 度無大異也五帝不相沿樂三王不相襲禮今廟制皆 所謂夾室前堂也雖未盡合于古于今事為宜六月上 とこりるといれる 泥以準東西序南向為門如今室户之制虚前以準廂 两頭二間準唐南北三間之制壘至棟為三間壁以紅 不合古權宜一時宜取今廟一十五間南北六間東西 五禮通考

皇帝廟號顯宗皇如晉王妃為皇后庚午盗入太廟失 都中書省以聞制若曰可壬申勒以太廟前殿十有五 間東西二間為灰室南向秋七月辛卯太廟落成俄國 罪 仁宗及慈聖皇后神主壬申重作仁廟二金主丙午御 史趙成慶言太廟失神主乃古今莫大之變太常禮官 有大故晉王即皇帝位十二月戊辰追尊皇考晉王為 不恭殿職宜正其罪以謝宗廟以安神靈制命中書定

廟制至治三年别建大殿一十五間于今廟前用今廟 為寝殿中三間通為一室餘十間各為一室東西两旁 深六間每間二丈宮城南展後鑿新井二于殿南作亭 とことり はないから 南徙東西櫺星門之內內簿房四所通五十間 獻官百執事齊室中南門齊班聽雅樂庫神厨祠祭等 東南隅西南隅角樓南神門東西神門館幕殿省饌殿 際牆各留一間以為夾室室皆東西橫闊二丈南北入 局皆南徙建大次發三間于宮城之西北東西穩星亦 五禮通考

金万巴居石書 泰定帝本紀泰定元年二月丁已朔作顯宗影堂丁丑 吳澄傳至治末韶作太廟議者習見同堂異室之制 昭右三廟為穆昭穆神主各以次遞遷其廟之官頗 之次命集議之澄議曰世祖混一天下悉考古制而 乃作十三室未及遷奉而國有大故有司疑于昭穆 行之古者天子七廟廟各為官太祖居中左三廟為 叙次而不考古乎有司急于行事竟如舊次云 如今之中書六部夫省部之設亦做金宋豈以宗廟 巻ハナ三

常守衛不謹請罪之不報四月癸亥以國言上英宗廟 監察御史宋本趙成慶李嘉賓言盗竊太廟神主由太 廟者天下國家之本禮樂刑政之所自出也唐虞三代 主于太廟新殿 而下靡不由之聖元龍與朔種積德累功百有餘年而 祭祀志泰定元年春正月甲午奉安仁宗及慈聖皇后 號日格堅皇帝辛已太廟新殿成五月戊戌遷列聖神 **史三日里在雪** 二神主先是博士劉致建議曰竊以禮莫大于宗廟宗 丘禮通考

惟當以昭穆列之父為昭子為穆則唇宗當居太祖之 宗廟未有一定之制方聖天子繼統之初定一代不利 東為昭之第一世世祖居西為穆之第一世裕宗居東 東西二間為夾室太祖室既居中則唐宋之制不可依 世昭穆不分父子並坐不合禮經新廟之制一十五間 也聖朝取唐宋之制定為九世遂以舊廟八室而為六 昭處於東穆處於西所以别父子親跡之序而使不亂 之典為萬世法程正在今日周制天子七廟三昭三穆

金月日月日

老ハナ三

皆當居西為穆之第二世武宗仁宗二室皆當居東為 昭之第三世昭之后居左穆之后居右西以左為上東 上史稱逆祀及定公正其序書曰從祀先公然僖公猶 公無子庶兄僖公代立其子文公遂躋僖公于閔公之 顯宗蹄順宗之上順宗避成宗之上以禮言之春秋関 經可為萬世法若以累朝定制依室次于新廟選安則 以右為上也茍或如此則昭穆分明秩然有序不違禮

たこううという

五禮通考

為昭之第二世兄弟共為一世則成宗順宗顯宗三室

職居博士宗廟之事所宜建明然事大體重宜從使院 移書集議取旨四月辛巳中書省臣言世祖皇帝始建 之方位既依禮經而宗廟之昭穆反不依禮經乎且如 家雖曰以右為尊然古人所尚或左或右初無定制古 今朝賀或祭祀宰相獻官分班而立居西則尚左居東 是有位之君尚不可居故君之上况未當正位者乎國 則尚右及行禮就位則西者復尚右東者復尚左矣致 人右社稷而左宗廟國家宗廟亦居東方宣有建宗廟

金定匹库全書

卷八十三

太廟太祖皇帝居中南向唇宗世祖裕宗神主以次科 たこりラ たま 其議近是謹繪室次為圖以獻惟陛下裁擇從之五月 宗順宗成宗兄弟也以次科世祖室之右武宗仁宗亦 神主附左一室世祖科右一室裕宗科唇宗室之左顯 諸臣言國朝建太廟遵古制古尚左今尊者居右為少 屈非所以示後世太祖皇帝居中南向宜奉春宗皇帝 兄弟也以科裕宗室之左英宗科成宗室之右臣等以 西室順宗成宗仁宗以次祔東室過者集賢翰林太常 五禮通考

一金厅四库全書 戊戌科顯宗英宗凡十室 帝而立終不列戾悼二園于昭穆以其未當繼體正 為一世而不知廢裕二宗亦不當立廟况即天子位 為一世而不知顯順二君不當稱宗徒知父子各自 昭穆混清灣禮不經甚矣被劉致者徒知兄弟當合 位也元之諸君各顧其私親而尊其所親廟制紛紜 胡氏粹中曰支庶有天下者始得立廟漢宣帝繼昭 者為之君其未當即位者皆臣也致徒知父子列坐

泰定帝本紀泰定二年正月甲辰泰安顯宗像于永福 寺給祭田百頃 藏于夾室而唇裕順顯各科食於稱廟則情皆稱而 穆第二仁宗居昭第三英宗居穆第三親盡則秘各 宗居穆第一世祖居東夾室成宗居昭第二武宗居 於禮不悖矣末哉劉致之為議也 合禮則太祖居中太宗居西夾室定宗居昭第一憲 不合禮經而不知君臣同食其不合禮經多矣若欲 干

欽定匹庫全書 皇后英宗皇后升科太廟 聖寺十月奉安顯宗御容于大天源延聖寺 以典守宗廟不嚴罷太常禮儀院官八月葵已諡武宗 武宗主五月乙巳作成宗神御殿于天壽萬寧寺甲子 四年四月辛未盗入太廟竊武宗金主及祭器壬申作 三年丙申建顯宗神御殿于盧師寺賜額曰大天源延 蔥田案致和元年秋七月泰定帝崩于上都 八月皇太子阿燕津巴即位改元天順武宗

御殿祠祭秋正二品十月丁巴毀顯宗室升順宗科右 文宗本紀天歷元年九月乙丑立太禧院以奉祖宗神 穆第二室成宗祔右穆第三室武宗祔左昭第三室仁 次子懷王圖克特穆爾入京師九月即帝位是 上都 為太子八月明宗崩未改元丈宗復即位于 為文宗改元天歷二年正月武宗長子周王 和實碩稱帝于和寧之北是為明宗立文宗 五禮通考 圭

宗祔左昭第四室英宗祔右穆第四室 金定四店全書 國于英宗未當干武宗之統也文宗何為而深雙之 胡氏粹中曰顯順二君皆裕宗庶孽未嘗一日君臨 乎他日順帝撤文宗廟主所謂出乎兩者必反平兩 廟若不可廢則顯宗之廟亦不當毀矣又况泰定得 題廟稽諸禮典則二廟皆不當立揆之人情順宗之 天下特以武宗繼統而追王順宗泰定入立而推尊 老ハナ三

后王冊十有二牒王寶一鈕英宗影堂藏皇帝王冊十 赫皇后大護國仁王寺世祖武宗影堂皆藏王冊十有 后大天毒萬寧寺武宗及二后大崇恩福元寺為東西 亦在馬順宗帝后大普慶寺仁宗帝后亦在馬成宗帝 錦為之影堂所在世祖帝后大聖壽萬安寺裕宗帝后 祭祀志神御殿舊稱影堂所奉祖宗御容皆紋綺局織 たこりうことう国 二殿明宗帝后大天源延聖寺英宗帝后大永福寺樂 牒王寶一鈕仁宗影堂藏皇太子王冊十有二牒皇 五禮通考

十五日二十三日節祭元日清明毅賓重陽冬至尽辰 樹碧甸子山之屬其祭之日常祭毎月初一日初八日 有二牒王寶一鈕皇太子玉冊十有二牒凡帝后冊實 其祭物常祭用蔬果節祭忌辰用性祭官便服行三獻 數銀壺釜杯匹之屬稱是玉器水晶瑪瑙之器為數不 同有玻球瓶琥珀勺世祖影堂有真珠簾又皆有珊瑚 舒掌盤盂之屬以十數黃金塗銀香合椀楪之屬以百 以匣匮金鎖鑰藏于太廟此其分置者其祭器則黃金

金页四届全書

院 之上視順宗成宗廟遷之例壬申奉玉冊玉寶科明宗 禮加薦用羊羔炙魚饅頭餌子西域湯餅圓米粥砂糖 文宗本紀至順元年三月已已議明宗陸科序於英宗 譜舞節翰林定誤樂章曲日永成之曲 たこりうたら 禮樂志天歷二年春三月明宗科廟下大樂署編運樂 元年廢舊有崇福殊祥二院奉影堂祀事乃改為泰禧 飯羹泰定二年亦作顯宗影堂于大天源延聖寺天歷 五禮通考 千七

壽文獻昭聖皇后日昭壽仁宗日文壽英宗曰宣壽明 宗日景毒 懿壽裕宗曰明壽成宗曰廣壽順宗曰行壽武宗曰仁 神主於太廟 議立太祖神御段 冠之世祖日元壽昭曆順聖皇后日曆壽話師布皇后日 金丘四库全書 三年二月已已命雅克特楊爾集翰林集賢太禧宗裡院 二年三月癸巳詔累朝神御殿之在諸寺者各製名以

事 位於大明殿十一月已已韶翰林國史集賢院奎章閣 寧宗本紀至順三年八月已酉丈宗崩十月庚子帝即 學士院集議先皇帝廟號神主升祔武宗皇后及改元 順帝本紀元統元年十月康辰奉文宗皇帝及太皇太 寧宗十一月崩未改元明宗長子托歡特穆 蔥田索明宗第二子郡王額琳心巴勒立是為 爾即位于上都是為順帝改元為元統元年 五禮通考


金定匹库全書 武百官等議上尊諡曰聖明元孝皇帝廟號文宗國言 后御容於大承天護聖寺 文宗本紀元統二年正月已酉太師右丞相巴延 率文 皇帝廟號寧宗八月壬午京師地大震太廟深柱裂各 閣太常禮儀院禮部官定議寧宗皇帝尊諡廟號 繪明宗皇帝御容 十二月詔省院臺翰林集賢奎章 諡號日濟雅圖皇帝 十月丙申命參知政事納琳監 三年正月辛亥升科額琳心巴勒皇帝于廟諡冲聖嗣孝 卷八十三

室牆壁皆壞壓損儀物文宗神主及御林盡碎西湖寺 神御殿壁什壓損祭器九月已酉文宗新主玉冊及 考為順天立道曆文智武大聖孝皇帝 監六月丙申撤文宗廟主十月甲申奉玉冊玉寶尊皇 六年正月甲戊立司裡監奉太祖太宗睿宗三朝御容 **欠足刀車上馬** 于石佛寺二月丁未立延嶽寺以奉寧宗祀事罷司種 四年十一月丙寅改英宗殿名昭融 切神御之物皆成 五禮通考 二十九

弟其為帝時陛下為之臣春秋時魯関公弟也僖公兄 問曰朕寧宗兄也當拜否太常博士劉聞對曰寧宗雖 六年五月丁亥盗竊太廟神主 也関公先為君宗廟之祭未聞僖公不拜陛下當拜帝 至正三年九月甲申修理太廟奉遷神主于後殿十月 丁酉奉安神主戊戌帝将祀南郊告祭太廟至寧宗室 二年六月修太廟西神門

クこうこう からの 題/ 王圻續通考至正十四年立寧宗影堂 唇裕二宗不當立廟武宗繼體而追王順宗泰定入 常禮儀院事王遜志等載太廟神主從皇太子北行 陳祖仁傳大明兵進壓近郊有古命祖仁及同会太 禮也帝然之還守太廟以作命 祖仁等奏曰天子有大事出則載主以行從太子非 立而推尊顯廟則違支子之禮成宗君也順宗臣也 元史紀事本末張氏溥曰元之顯順二君不當稱宗 五禮通考 丰

金定匹库全書 以次升科而反瞬其上則蹈逆祀之議厚私親而干 大分如此不如其無祭也 五禮通考卷八十三 蔥田案元佛寺影堂最為賣聚然其端自唐 宋啟之又何異馬 卷八十三 右元廟制



第二時南向每廟中室奉神主東西两夾室旁兩無三 親盡而遷此有天下之常禮若周丈王武王雖親盡宜 制天子上廟而商書曰七世之廟可以觀德則知天子 俱五間北向門之東神厨五間西向其南宰牲池 七廟自古有之太祖百世不遷三昭三穆以世次比至 向洪武元年命中書省集儒臣議祀典李善長等言周 ,廟皇高祖居中皇曾祖東第一皇祖西第一皇考東 門設二十四载外為都宫正門之南齊次其西鎮次

金灰四月至書

卷八十四

考立四廟於長安太宗議立七廟虚太祖之室玄宗叛 桃以其有功當宗故皆别立一廟謂之丈世室武世室 由是同堂異室之制至於元莫之改唐高祖尊高曾祖 主於光烈皇后更衣别室後帝相承皆藏於世祖之廟 廟於南陽春陵犯父南頓君以上四世至明帝遺詔藏 亦百世不遷漢每帝輕立一廟不序的移又有那國廟 元五帝又於長安故高廟中犯成哀平三帝别立四親 及寝園廟光武中與於洛陽立鳥廟祀高祖及丈武宣

次至四年至時

五禮通考

常為九世十一室宋自太祖追尊僖順翼宣四祖每遇 太宗救業受命百代不選親盡之主禮合桃選至稀拾 制立九室祀八世文宗時禮官以景帝受封於唐高祖 始祖至徽宗時增太廟為十室而不被者五宗崇寧中 ·神則以昭移相對而虚東向之位神宗奉信祖為太廟 則合食如常其後以敬文武三宗為一代故終唐之世 九世至於寧宗始别建四祖殿而正太祖東向之位元 取王肅說謂二桃在七世之外乃建九廟髙宗南渡祀

皇考諡曰淳皇帝廟號仁祖皇妣陳氏曰淳皇后詔製 皇后皇祖考諡曰裕皇帝廟號熙祖皇祖此曰裕皇后 皇后皇曾祖考諡曰恒皇帝廟號懿祖皇曾祖此曰恒 是上皇高祖考諡曰元皇帝廟號德祖皇高祖妣曰元 隨時損益近世泥古好用遵豆之屬以祭其先生既不 中為七世十室今請追尊高曽祖考四代各為一廟於 世祖建宗廟於熊京以太祖居中為不遷之祖至泰定 太廟祭器太祖曰禮順人情可以義起所貴斟酌得宜

欠已可自己

五禮通考

算簽笥韓幔浴室皆具後又諂器皿以金塗銀者俱易 以金 用死而用之甚無謂也孔子曰事死如事生事亡如事 祖考廟號懿祖即四九公此侯氏祖考廟號熙祖郎初一公 四代考此尊號高祖考廟號德祖即百六公五世此胡氏曾 明集禮洪武元年戊申春正月四日太祖詣太廟恭 金塗之酒壺盂熊皆八朱漆盤盌二百四十及種槌枕 存其製宗廟器用服御皆如事生之儀於是造銀器以

金好也是白言

卷八十四

禮志洪武三年冬以太廟時享未足以展孝思復 如王氏皇考廟號仁祖aty 好陳氏 たっしりにといきのころ 明史太祖本紀洪武三年十二月甲子建奉先發 蕙田案髙祖初定宗廟之制李善長等詳考 幾與三代同矣 古今沿革請立四親廟與禮制合若後世仍 而不改續建昭穆以符七廟之制太祖正位 以為百世之祖藏主夾室以合祧遷之禮則 五禮通考

先殿於官門內之東以太廟象外朝以奉先殿象內朝 帝后神位衣冠定儀物祝丈成祖遷都北京建如制 正殿五間南向深二丈五尺前軒五間深半之製四代 春明夢餘録奉先殿在神霄殿之東每室一帝一后 序告莫古必有其所下部考論尚書陶凱奏古者宗 年十月上以崴時致享則享於太廟至晨昏謁見節 日夕月冊封告祭及尽祭在馬餘皆於太廟行之三 如太廟寝殿其科祧送遷之禮亦如之凡祀方丘朝

金月日月白雪

殿九間間一室奉藏神主為同堂異室之制十月新 禮志八年改建太廟前正殿後寝殿殿翼皆有两無寝 太祖本紀洪武八年七月辛酉改作太廟 とこりら たり 孝思殿於宫中崇政之東以奉神御今太廟祭祀日 有定制請於或清宮左别建奉先殿以奉祭神御 廟之制前殿後寢爾雅云室有東西廂日廟無廂有 室日寝廟是樓神之處故在前寝是藏衣冠之處故 在後自漢以來建廟宫城外已非一日故宋建欽先 五禮通考

諡曰髙皇帝廟號太祖 室奉仁祖皆南句 續文獻通考洪武三十一 禮志建文即位奉太祖主祔廟正殿神座次熙祖東向 太祖本紀洪武九年冬十月已未太廟成 廟成中室奉徳祖東一室奉懿祖西一室奉熙祖東 洪武三十一年閏五月乙酉帝崩於西宫辛卯楚老 殿神主居西二室南向 年奉安髙廟神主

老ハナ

禮志成祖遷都建廟如南京制 天殿受朝賀 大三日百 A 15 1 **风祖本紀永樂十八年十二月癸亥北京郊廟宮殿** 仁宗本紀洪熙元年二月丙寅太宗神主祔太廟 十九年春正月甲子朔奉安五廟神主於太廟御奉 春明夢餘錄太廟在國之左永樂十八年建廟京師 殿九間間一室主皆南向几席諸品備如生儀 如洪武九年改建之制前正殿九間翼以两座後寝 五禮通考

一哀止立於拜位之東西向内侍詣靈座前跪奏請太宗 禮解於太廟如常饗儀樂設而不作設儀衛織扇於午 明會與太宗文皇帝科廟儀卒哭之明日太常寺陳設 文皇帝神主降座陞董詣太廟科享奏記內侍捧神主 陛輅後隨至太廟南門之外降較引導官引皇帝指御 安奉於御輦織扇侍衛如儀至思善門外皇帝易祭服 丹陛上内導引官導皇帝衰服詣拜位赞四拜舉哀興 門外内侍官設皇帝拜位於几筵殿上進御輦於殿前 卷八十四

棒神主安於座導引官導皇帝請拜位行祭禮如時享 東西向唱賜座皇帝措主内侍捧神主進於皇帝皇帝 官尊皇帝棒神主由左門入典儀唱樂舞生就位執事 請話神位前每至一廟前內侍捧神主至褥位朝北皇 官各司其事至丹陛典儀唱太宗文皇帝謁廟內赞奏 主降輦詣太廟祔享奏託贊倪伏與皇帝倪伏與導引 華前 赞跪皇帝跪太常卿跪於左奏請太宗文皇帝神 帝於神主後行八拜禮各廟俱八拜禮軍太常卿立壇 次尼**马草全島** 五禮通考

儀文官五品以上武官四品以上隨班行禮禮畢仍棒 請神主性輩詰太廟奉安內使二員捧神主內使四員 神主還几錠 棒冊寶由殿中門出安奉於御董冊寶亭皇帝隨行至 殿前丹陛上皇帝服淺淡服行祭告禮畢司禮監官跪 祭翌日昧爽設酒果於几錠殿設御輦二冊寶亭四於 期 明史禮志宣徳元年七月禮部進太宗神主祔廟儀先 日遣官請太廟行祭告禮午後於几筵殿行大祥

金なでたとう

宣宗本紀二年五月已亥仁宗神主科太廟 官俱祭服行禮其正殿神座居仁祖之次西向 東第三室南向奉安皇帝叩頭畢祭祀如時祭儀文武 南向正殿居髙祖之次東向其後大行科廟做此 禮志二年五月仁宗神主祔廟如前儀寝殿西第三室 廟俛伏與內使捧神主冊寶皇帝從由中門入至寝廟 思善門易祭服升輅至午門外儀衛織局前尊至廟街 とこり 言いたる 一関 門內皇帝降輅監官導詣御輦前奏跪請神主奉安太 五禮通考

震宗本紀成化二年春正月辛酉英宗神主祔太廟 禮志正統七年十二月奉昭皇后神主科廟神主話列 英宗前紀正統二年春正月甲午宣宗神主祔太廟 座右第四位東向 明會與奉祔英宗神主於寝殿西第四室南向正殿神 褥位上行四拜禮記安奉於座上 祖神位前謁廟禮畢太常寺官唱賜座內侍棒衣冠與 仁宗同神位唱請宣宗皇帝朝見内侍捧宣宗衣兒置

失期遣官祭告太廟上親告憲宗几筵內侍官設酒饌 懿祖神主衣冠安於德祖室內之左原奉享儀慢林儀 殿西第四室南向正殿神座右第四位東向奉桃懿祖 明史孝宗本紀弘治二年八月已酉憲宗神主科太廟 如常儀告畢太常寺官同内執事官於太廟寝殿奉遷 桃懿祖熙祖而下皆以次奉遷廼奉祔憲宗神主於寝 明會典成化二十三年憲宗将升祔而九室已備始奉 たこり目を書 園 物及正殿神座俱暫貯於神庫 五禮通考

宜於太廟寝殿後别建桃廟如古夾室之制成暮則奉 推世次則德祖視問后稷不可桃憲宗升科當桃懿祖 懿熙仁四廟宜以次奉祧禮臣謂國家自德祖以上莫 禮志孝宗即位憲宗将升科時九廟已備議者成謂德 有太祖太祖既配天又不得正位南向非禮之正今請 議者習見宋儒當取王安石說遊使七廟既有始祖又 桃主合享如古袷祭之禮吏部侍郎楊守陳言禮天子 金牙四月有書 七廟祖功而宗德德祖可比商報七周亞圍非契稷比 ヘナ

擬契稷而祧主藏於後寝拾禮行於前殿時享尊太祖 宗純皇帝将科太廟當定九廟桃遷之制命丈武大臣 并桃德懿熙三祖自仁祖下為七廟異時桃盡則太祖 廟於寝殿後遣官祭告宗廟帝具素服告憲宗几筵祭 袷祭尊徳祖則功徳並崇恩義亦備帝從禮官議建秋 次定四車全書 · 神庫其後奉桃做此 王圻續通考少詹事楊守陳疏云往者欽蒙勅諭以憲 **畢奉遷懿祖神主衣冠於後殿牀幔御座儀物則貯於** 五禮通考

德祖懿祖熙祖三廟乃以仁祖淳皇帝太祖高皇帝上 宗文皇帝仁宗昭皇帝宣宗重皇帝英宗春皇帝憲宗 此泉議建别殿以藏桃主而行拾禮與臣議同唯以明部 純皇帝為七廟別為殿於太廟之後以奉三廟神主三 因言九廟而難違德祖當為始祖而不遷故但請礼懿 下逮臣等會議臣愚無識以為當據古禮而定七廟秋 三祖之廟而太祖太宗皆百世不遷庶無悖禮臣議者 , 給以後則是仁祖及仁宗以下親盡而祧皆祧于

vD

一宗有徳此萬世不易之論也天子七廟太祖之廟百世 次至四車全書 一 祖殷之始祖曰契周之始祖曰稷皆有大功故號太祖 岩德祖不祧以為百世之祖則有不可孔子曰祖有功 祖與臣議異臣退而思之竊以為部書九廟容或猶可 之君為太祖李唐祀四世諡其高祖曰宣簡公曾祖曰 之文祖尚矣夏之世顓頊既帝而鯀無功故以禹為始 而郊祀配天其廟不遷漢及魏晉上祖無功皆以叛業 不遷餘皆被毀此四代帝王之成法也請詳陳之唐虞

五禮通考

東第一室矣然至稀給之時則獻祖居尊東向而太祖 為懿祖至肅宗并被獻懿德宗又被元帝於是太祖居 桃宣簡於夾室玄宗仍復宣簡而諡為獻祖并諡懿王 定名號以示當桃與不遷之意矣故魏宋之廟太祖以 祖開國廟號太祖凡號太祖者必以配天此皆據理以 宋亦祀四世號其高曽祖考為僖順翼宣四祖而以藝 懿王祖曰元皇帝而其考諡景皇帝有功實號太祖趙 金牙豆匠人 一親盡皆桃而太祖歷世不遷時無議者唐至中宗既

亦陳故高宗以來如董禁王晉之論優常論列寧宗乃 徽宗又桃宣祖而僖祖猶居尊位太祖猶列昭穆人心 安石用事仍復信祖且定之為始祖而居累朝給祭所 終唐之世無復議者宋至神宗已被僖祖于夾室及王 於與聖廟不與給祭而太祖正東向之位為不遷之祖 在昭穆之列當時人心猶慊議者紛然卒遷獻懿之祖 固王介張師顔者羣議力争莫能回也哲宗既祧翼祖 虚東向之位遷順祖於夾室當時名臣韓維司馬光孫

當以德祖擬商周之稷契而輕以配天也太宗嗣位乃 考為德懿熙仁四祖亦但以為四親廟而已初無祖功 之意故郊祀配天則以仁祖亦唯取嚴父之義耳固未 後合乎典禮協於人心而無可議也國初追帝高曾祖 祖始居第一室而拾祭東向之位終宋世不遷無復議 矣此則凡號太祖而配之者必居尊位而百世不遷然 别建四廟殿以奉祧主時唯一朱熹争之不勝於是太 用趙汝愚鄭僑樓鑰陳傅良諸臣之議并祧僖宣二祖

欽定四庫全書

尊髙皇帝為太祖而遂以配天仁祖亦不得預則其意 亦以四祖親盡當桃而太祖有功不遷當如夏之以禹 祖南面獨尊餘皆東西向而甲已如給之儀矣今桃懿 室亦皆南向時享則諸帝皆南面而各尊唯給祭則始 始祖高皇帝既號太祖復號德祖為始祖豈先王之禮 為始祖漢以下以椒業之君為太祖者也在禮太祖即 祖獨尊餘則左右分向皆甲也我朝時享之禮則惟德 祖宗之意哉且古者一帝一廟廟皆南向後世同堂異 五禮通考 +

欽定匹庫全書 帝皆列左右不失其尊非若唐遷獻祖于興聖廟宋遷 若桃德祖則異日以次桃盡而太祖可居南面之尊以 帳必有博聞達禮之儒昌言正議而羣臣和之天子從 尊太祖永居西向之位而常甲後世臣子瞻之孰無憾 祖則以德祖為始祖而百世不遷永居南面之位而常 之卒桃德祖而尊太祖然後已耳唐宋之事是明鑑也 别殿密邇太廟而拾祭則德祖猶居南面之位太祖諸 稱其名實此天下人心之同願雖傳萬世必無易也况 卷八十四

尊傳祖為始祖其後朱熹廟議實取之今尚敢有異議 信祖於四祖殿而遠隔别享伸孫之尊廢祖之祭也亦 乎臣以為不然安石謂僖祖有廟與稷契疑無以異喜 者哉蓋其說以為若桃信祖不可附於孫之夾室又不 莫若則其意豈真以僖祖為稷契而合於禮之祖有功 亦謂莫若以僖祖為稷契而祭於太廟之初室曰疑曰 文三日日 · 馬 何嫌哉今之議者率謂德祖猶宋之僖祖王安石嘗議 可别立一廟故為是不得已之詞耳然宋亦卒祧信祖 五禮通考

於别殿以藝祖為太祖而後已蓋祖有功之禮終不可 欲行之於今乎今太廟既無夾室若執其說雖立别廟 統而不論功德已戻乎孔子而朱子有取之者其說雖 謂下科於孫者德祖之桃何不可之有而必强無功者 很也况時異制殊尚有執其說之不可行于宋者而必 搬業之君何哉孔子明言祖有功宗有德安石但論本 亦不可也被主将安置乎今既立别殿以奉祧主無所 以為始祖而始有功之太祖乃不得如夏之禹漢以下

金万里及白雪

卷八十四

会議改成落時享為拾乃禮之從宜而近理者亦可從 廟桃德祖亦可矣雖從今議而每歲一給亦無不可蓋 若得其要亦但如前之所云者耳今議者不察定禮不 也若務遵古典則當全用臣議并祧三祖但存七廟三 從孔子而猶以朱子為辭廟祀不祖有功而以無功者 たにりいれか · 動 古禮四時皆三歲一給今四時之外實多歲暮一祭故 強擬上不當祖宗之意下不愜臣子之願名與實班文 與情乖安可為典而垂世哉陛下若姑存近制則存力 五禮通考

歲而一拾乃協四代之典足垂萬世之法也時不能用 金月口月石雪 未為至當文懿公此疏考據詳明敷陳曲鬯 學禮豈不信然惜本傳不載此疏并不記其 本原深厚故發之真切乃爾忠信之人可以 懿祖名範有學行當齒以精思實踐之學其 微獨救荆公之謬該百世而下不能易也丈 **蕙田案始祖之議宋僖祖後雖朱子大儒亦** 事為陳畧耳今從通考本全錄之以為考禮

明史孝宗本紀弘治十七年三月癸未定太廟各室一 之準繩也

武宗本紀正德二年六月甲戌孝宗神主科太廟

后之制

明會典弘治十八年奉祧熙祖仁祖而下皆以次奉遷

四位東向奉桃照祖居左第一室 廼科孝宗神主於寝殿西第四室南向正殿神座右第

禮志武宗即位祧照祖奉先殿神位亦遷德祖之西其 とこりうととう 五禮通考

於桃廟 第四位東向奉祧仁祖居右第一室祭告儀並同 衣冠牀幔儀物貯於神庫 金牙正月全書 明史世宗本紀嘉靖二年三月甲寅武宗神主科太廟 明史世宗本紀嘉靖十年正月甲午更定廟祀奉德祖 廼奉祔武宗神主於寝殿西第四室南向正殿神座右 明會與正德十六年春桃仁祖太祖而下皆以次奉遷 國朝典彙嘉靖四年四月光禄寺丞何淵請於太廟

久三日日日 · 書等以為不可有古集廷臣再議於是吏部尚書廖 定名世廟云五年九月世廟成上自觀德殿奉獻皇 内立世室以獻皇帝與祖宗同享太廟禮部尚書席 佐等即太廟左隙地立廟其前殿後寝一如太廟制 上曰世室之建自古有之朕膺天命入紹大統皇考 孝心無窮禮制有限臣等萬死不敢以非禮誤陛下 百世之室胡為不可遂命大學士費宏石班太監張 紀武定侯郭勛給事中楊言御史葉忠等咸謂皇上 五禮通考

他祖而奉太祖神主居寝殿中一室為不邊之祖太宗 肇運開基四時享祭壓於德祖不得正南面之位命被 遊以序進遷七宗神位 禮志十年正月帝以廟祀更定告於太廟世廟并桃廟 三主遷德祖神主於桃廟奉安太祖神主於寝殿正中 明會與嘉靖十年動諭禮部以太祖高皇帝重闢宇宙 金写已月月日 而下皆以次奉遷每歲孟春特享夏秋冬合享改擇季 帝神主於世廟

於神座設冠服及爲於座之左右祭畢藏之合享則奉 於太廟居中南向懿祖而下皆以次東西向 太祖居中南向太宗而下以次東西向大拾則奉德祖 太祖居中太宗而下以次居左右各設一屋南向奉主 冬中旬大袷而以嚴除為節祭歸之奉先殿特享則奉 陳所謂後世卒桃德祖而尊太祖然後已馬 **蕙田案世宗釐正祀典此一事為合古楊守** 者也天理常存人心不泯証不信哉

次主四軍全島 图

五禮通考

廟南向尚書夏言奏太廟两傍隙地無幾宗廟重事始 命會議言等言太廟地勢有限恐不能容若小其規模 於太祖之廟餘遣親臣代獻如古諸侯助祭之禮帝忧 謀宜慎未報中允廖道南言太宗以下宜各建特廟於 制父子兄弟同處一堂於禮非宜太宗以下宜皆立專 明史禮志嘉靖十年九月諭大學士李時等以宗廟之 主不必更為寝廟等使列聖各得全其尊皇上躬行禮 两無之地有都官以統廟不必各為門垣有夾室以藏

次足四年全書 四 徧此蓋無所據而強為之說耳若以九廟一堂嫌于混 之助祭者平先臣上潘謂宜問日祭一廟歷十四日而 也且古諸侯多同姓之臣今陪禮執事者可擬古諸侯 廟中而代后之亞獻未聞以一人而代主一廟之祭者 又不合古禮且使各廟既成陛下編歷羣廟非獨筋力 于其中無得以展專奠之敬矣議上不報 同請以木為黃屋如廟廷之制依廟數設之又設帷幄 不逮而日力亦有不給古者宗伯代后獻之丈謂在一 五禮通考

一當防降於此今日正當專定廟議一以此地為根本南 言國有二廟自漢惠始神有二主自齊桓始周之三都 祖宗所依聖子神孫既親奉祀事於此則祖宗神靈自 廟乃遷國立廟去國載主非二廟二主也子孫之身乃 主帝召尚書夏言與羣臣集議言會大學士張孚敬等 京太廟香火并於南京奉先殿重建太廟補造列聖神 禮志十三年南京太廟炎禮部尚書湛若水請權将南 世宗本紀嘉靖十三年六月甲子南京太廟災

京太廟處災殆皇天列祖佑啟黙相不可不靈承者帝 意從之 京原有奉先殿其朝夕香火當合併供奉如常太廟遺 扯當做古壇蟬遺意高築牆垣謹司改閉以致尊嚴· 殿寝稍崇縱横深廣與羣廟等列廟總門與太廟或門 世室而四右為三穆廟羣廟各深十六丈有奇而世室 時帝欲处建九廟夏言因言京師宗廟将復古制而南 **悅部春和興工諸臣議于太廟南左為三昭廟與文祖** 五禮通考 宇

室尚當隆異令再議言等請增拓世室前疑視羣廟崇 他日遞遷更牌額可也從之 改文世室宜稱太宗廟其餘羣廟不用宗字用本廟號 廟字當避張浮敬言世廟著明倫大典頒詔四方不可 相並列廟後垣與太廟桃廟後牆相並具圖進帝以世 十四年正月諭閣臣今據建文祖廟為世室則皇考世 四尺有奇深廣半之寝殿視羣廟崇二尺有奇深廣如 ~報可

卷八十四

廟曰宣廟英宗昭第二廟曰英廟憲宗穆第二廟曰憲 春日行特享禮於各廟立夏立秋立冬日行時拾禮於 廟孝宗昭第三廟日孝廟武宗穆第三廟日武廟以立 都官太廟專奉太祖居之世室在左三昭之上奉太宗 其制皆正殿五間寝殿三間各有門垣以次而南統於 明會典十四年更建世室及昭穆羣廟於太廟之左右 世宗本紀嘉靖十四年二月已亥作九廟 居之題曰太宗廟仁祖昭第一廟曰仁廟宣宗穆第 五禮通考

太廟奉太祖南向太宗居東西向稍近上仁宗而下東 祖以次居於左右俱南向太宗而下如時給之序 西序列相向季冬大袷則德祖居中懿祖照祖仁祖太 宗宣宗各為昭穆第一廟英宗憲宗為昭穆第二廟 赫特建百世不遷之廟宜曰文祖世室在三的上仁 正太祖南向位則太廟之名實符周典太宗功德隆 通鑑紀事先是夏言請定七廟額謂陛下復古廟制 孝宗武宗為昭穆第三廟則萬世不刊之制也帝從 卷八十四

於亥以定廟制加上两官皇太后微號詔赦天下 明會與嘉靖五年建世廟於太廟之東北以祀皇考士 改主四車全書 图 禮志嘉靖十五年十二月新廟成乃奉安德懿熙仁四 御客於其中 **改世廟正殿曰景神殿寝殿曰永孝殿奉藏祖宗帝后** 五年改建世廟於太廟都宫之東南題曰獻皇帝廟珍 明史世宗本紀嘉靖十五年十二月辛卯九廟成閏 五禮通考

祖神主於桃廟太祖神主於太廟百官陪祭如儀翌日 奉安太宗以下神主列於羣廟命九卿正官及武爵重 奉安於景神殿 廟行禮又擇日親棒太祖神主文武大臣棒七宗神主 臣俱詣太宗廟陪祭文三品以上武四品以上分詣羣 神祀典俱已釐正唯宗廟之制非古言對古人建廟 李時猩鑾尚書汪鉱及禮部尚書夏言諭曰天地百 王圻續通考嘉靖十五年九廟成先是上召大學士

次定四車全書 學 等退具奏間中允廖道南上疏口臣伏考我太祖島 皇帝動諭儒臣建郊廟以崇祀事輔臣李善長等上 廟恐勢不能古禮亦難盡後上曰盡如古禮固難但 重大各廟本是古禮他日致祭陛下欲一日福歷羣 恐制度甲小今太廟規模弘偉若一旦改作恐事體 等處却當依又曰我皇考顧得享世廟之祀文祖以 大體處不可不依擬古人各立廟只是各全其尊此 下列聖乃不得專廟朕心未安卿禮官宜即具奏言 五禮通考

守我皇上復四郊以祀天地日月正百禮以祭神祇 大孝天子之大禮有聖人在天子之位如之何其弗 帝王獨宗廟之制有不能自安者誠有以見聖人之 我聖祖之制斟酌三代垂憲萬世聖子神孫所當世 世相次此萬世不易之禮今擬四代各為一廟臣唯 議天子七廟自古有之太祖百世不遷三昭三穆以 可行也朱熹曰天下有二件極大事一是天地合祭 是太祖不立特廟與諸祖同一廟太祖萬皇帝有

廟以全南面之尊端居宗被以統列廟之主尊甲長 萬世不朽之功者宜享萬世不遷之報而今不獲特 營國左祖右社廟門容大高七箇閨門容小高三箇 窄隘二日禮節繁難三日成憲宜遵四日勞費當惜 鄭玄注云闡門廟中之門大局牛門長三尺小局脚 臣請解其惠夫以地勢窄隘為言者臣案周禮正人 所云者今之議以為弗可行者其就有四一日地勢 幼並列於一堂遵豆民俎分羅於一隅信有如朱熹 五禮通考 孟

一金 定 四 库 全書 寝殿庶尊尊有主而太祖之位恒安而不遷親親有 髙而務質樣儀文不必其繁縟而務簡素有都官以 統廟而不必各為門垣有夾室以藏主而不必更為 太宗以下各建特廟於今两無之地制度不必其崇 倫而列聖之尊各全而不賣矣夫以禮節繁難為言 愚前奏稀義篇云請以今太祖為我萬世不遷之廟 男長二尺以周尺較之周之九廟之制亦甚儉矣臣· 者臣案周禮外宗掌宗廟之祭祀王后不與則赞宗 卷八十四 COLUMN DELINE 夫孝者善繼人之志善述人之事者也陳樂注云祖 伯鄭至注云后有故不與祭宗伯攝其事故王一獻 皇上躬行禮於太祖之廟其餘遣親臣代獻如古諸 父有已為之事而可法子孫善因其法而遵述之故 父有欲為之志而未為子孫善繼其志而成就之祖 行禮之臆說哉夫以成憲宜尊為言者臣案中庸曰 **使助祭之禮亦未為不可而何必拘泥丘潛十八日** 卿大夫以次代獻古禮也今若各建列廟特享之時 五禮通考 主五

金丘匹庫全書 述太祖之事正所以遵我太祖之成憲也夫以勞費 武王周公稱為達孝而况我皇上善繼太祖之志善 室為後孟子亦云君子不以天下儉其親而况今日 當惜為言者臣案禮曰君子将管宫室宗廟為先居 宗之廟以祖宗之臣民而供祖宗之事如之何其弗 皆我祖宗休養生息之所致以祖宗之土地而建祖 之尺地寸土皆我祖宗叛業垂統之所貽百官萬民 可行也臣愚見嘉靖九年辰東獨斷親定圖式孟春

飲定四車全書 合古禮嗣後改建太廟始一遵同堂異室之制夫既 嚴嵩等議仍執同堂異室之說唯太祖高皇帝受天 制朕當有諭輔臣禮部便會議來夏言乃會同郭勛 明命以有天下初為四親各别立廟其一時制度嚴 世太平之基端在是矣上覺疏喜有旨宗廟祀典儀 也伏望遠法商周之輕典光復聖祖之舊制則億萬 制各居一惟一時之權也而各立一廟者萬世之經 特享之祭正太祖南面之位各有惟幄以權九廟之 五禮通考

遵古制以各立廟矣一旦襲用漢唐故事是蓋神謨 英斷必有所以然議禮者終以為非古之制也皇上 邊官牆東過世廟西阻前朝地勢有限輔臣禮官已 生之有朝也寝者所以象生之有寝也建之觀門內 欲追復三代之禮以成一王之制當聞廟者所以象 奉有聖諭太廟三殿俱不動則是太廟周垣之外左 制真兆之所各有定則不可以意為者即今太廟南 不忍遠其親也位之左不敢死其親也是其管構之

とこうう こん 容若欲小其規模不必别為門牆寝無則又不合古 牆不甚遼遠即使盡闢其地以建羣廟亦恐勢不能 太廟之前以次而南則今太廟都官之南至承天門 者欲除太廟两無則非特不中典禮而裁損廟制事 體尤重且諸王功臣之祀又将置之何所非臣等所 禮况古人七廟九廟制度皆同太廟管構已極弘壮 右隙地不盈數十丈耳若依古制三昭三穆之廟在 而羣廟價然界監恐非所以稱生前九重之居也議 五選通考 Ŧ

加立七廟乎夫規制既不可降損而欲擬諸世廟春 七廟乎将依商周之制以太宗為百世不遷之宗而 凡七聖兹欲為立廟将依古制為三昭三穆而止立 於此又有所大不安也今太廟之主自我太宗而下 敢聞也况臣等恭睹世廟之制蓋損於太廟之數多 且太宗之比隆太祖憲宗又我獻皇帝父也二廟規 矣今欲建立羣廟其規制高廣又宣可損於世廟乎 制視世廟尤不當有一臺降損而後可不然則聖心

飲定四軍全書 一 者乃引周禮宗伯代后獻之丈謂孝廟之中可以遣 拜起陛降真獻雖有強立之容肅敬之心且将繭然 疲倦非獨筋力有所不逮而日力亦有所不給矣議 家循選豊途而欲於一日之間編歷羣廟為之與**僚** 嫌此就地勢規制而言臣等所不敢輕議者也竊謂 居左偏官室太盛以陰陽家說未免有偏缺壓制之 然並建七廟於太廟之南豈唯地小不足以容恐宸 即使各廟既成陛下以一人之身冠冕佩王執圭服 五禮通考

白り日月と 廟之中而代后之亞獻者言也未聞人臣可以代天 子曰吾不與祭如不祭是有故不得與祭而其心猶 也今之陪祀執事者可以擬古之諸侯助祭者乎孔 姓之臣以之代攝猶之為可何也同一祖宗之子孫 子行事而遂主一廟之祭也且古者諸侯助祭多同 以為如不祭也陛下之仁孝誠敬可以終成舉祭止 官攝祭是又未當深唯禮意者蓋古者宗廟之祭君 后迭獻是以后不與祭則宗伯可以代獻謂同在

友上日日上上十二個 尊之而反甲本欲親之而反跟未見所以為隆重矣 先年大學士丘濟謂宜問一日祭一廟歷十四日而 從簡易而垣寝不備樂舞不陳主祭不親則是本欲 數是也今欲立為七廟或八廟之制則每廟之中致 廟門垣堂無寝室是也儀文必備而成陪位樂舞之 編七廟此蓋無所據而強為之說不自知其言之涉 祭之時皆當有樂舞之數陪祀之位而後可若日降 對越太祖之廟而不一至孝廟平且規制必備而成 五禮通考 ;九

金万匹居石書 於迂闊此就禮節儀文而言臣等所未敢輕議者也 卒不能復古制者以昭穆之位太拘故也必欲如古 臣等竊聞先儒馬端臨曰後世之失禮者豈獨廟制 弟世及則其序秦矣及不如同堂異室共為一廟之 立廟必繼世而有天下者皆父子相繼而後可若兄 未敢輕議者也聖諭以為皇考獻皇帝有世廟以享 渾成往哲之論足證今事就的移桃遷而言臣等所 事而廟制之該自漢以來諸儒講究非不詳明而 卷八十四

たらりにという 則以為列聖同享太廟已極尊崇而皇考專居世廟 其尊斯言也陛下純孝至誠皇天列祖實鑒臨之臣 祀而我太祖太宗以下列聖乃不得專有一廟以全 薄厚之分反不足以稱陛下孝敬之誠矣今孟春陛 獨為退逐若廟制大小不倫行祀親攝或異則尊里 等仰服陛下酌古準今因時制宜儼乎各廟專祀之 祖又為列聖各該帷幄祭俱南面各自尊獻讀祝臣 下更定特享之儀正太祖南面之位以為太廟之始 五禮通考

金万正屋白雪 義雖古人制禮精微之意亦不過如是而已今臣等 復議得太廟九問同為一堂雖有帷幄而無所間隔 嫌於混同未稱專尊之敬請以木為黃屋假如朝廷 伸陛下親親尊尊之情而於古禮亦庶幾矣此可以 置如古建廟之制則太祖列聖各得以專其尊又足 居中盡北太宗而下列聖依昭穆之序以次稍南位 之制每廟設一於殿之中間又設帷幄於其中太祖 作則萬世而未可以為選就權宜云也彼朱子謂太 巻ハナ四

曾建立四親廟寶有鑒於漢制之非朕為子孫所當 遵行見今太廟前堂後寝俱有定制不必移其昭穆 右周旋諦視奏曰恭唯陛下既奉太祖高皇帝為太 是夏言會同恭請太廟福歷两無地方綠垣前後左 事體大有不侔矣十年十一月具題明年三月有音 世數廟次便會同相度兩無地方議處規制停當於 祖僻處一隅與夫設祭一室甚或無地以容問俎者 郊廟大禮係國家重典朕當籍我聖祖開國之初已

文三日草全事

五禮通考

稽古建廟宜極追崇當别立一廟於太廟之東百世 廟始祖特正南面之位唯我太宗文皇帝定門北都 建子孫萬世長業治功與我高皇帝比隆重光兹欲 **鹿方稱禮制隨該督令官正丈量得太廟門牆內進** 廟臣等初議以為自古宗廟必有前堂後寝周垣門 丈四尺先議因廟門內進深太淺欲将廟門往南展 不遷擬之周文世室不在三昭三穆之數其昭穆六 深八十一丈二尺東西牆內原空東西各廣一十四

金完旦尼人

とこりる から 室直就北與太廟後牆等齊廟門牆止展南八丈、 護周垣蓋是委曲議處遷就地勢以事管構期於仰 座五間以其後半為藏主之所不用寝殿以太宗世 丈四尺除二丈九尺為御路以一十一丈五尺為廟 之廣以二十二丈五尺為廟之深每廟止建正殿 移十丈五尺因東西牆門內横過太狹欲各展十 尺蓋因廟門逼近廟街欲更少縮近北以存林木用 尺今復議不必展動東西大牆止以牆內一十四 五禮通考 弄

金厅四月全書 時加巡守以後勿得整修在京廟制即便辦物料來 **歳擇日興工於是夏言會議造文祖世室的移廟宇** 高皇剏業之謨則不當復建廟於南京者誠萬世不 高廣丈尺圖式并伐木開門事宜奉古皇祖太宗世 易之定論也奉首南京原廟址高築園垣以為防設 有吉且罷 十三年夏六月南京太廟災上勅廷臣 日南京太廟不必重脩夏言會議守文祖遷都之處保 承德意光復古典謹畫圖貼說隨本上進四月會題 卷八十四

た 三日 · 八山 · 前殿寝廟俱各增加曼與别廟不同奉旨依擬行言 室還著增加言復會議文祖世室前殿寝廟比昭穆 等復議奏遞遷之序先儒以昭常為昭穆常為穆假 昭穆遞遷之義也若夫百世共宗之義其在我朝有 羣昭移而移不移穆主當科則羣移移而昭不移此 則上世第一移廟當桃各以其次遞遷昭主當科則 如新主世當科昭則上世第一昭廟當桃世當科穆 同於隆古者今日特建太宗廟於左昭之上是也其 五禮通考

明史世宗本紀嘉靖十七年九月辛巳上太宗廟號成 成十二月初十日十一日十二日祔主廷臣稱賀上 虚右穆之上者将以待有功德之宗當祧而不可祧 者是宗無定數之義也奉旨是 十五年冬宗廟告 两宫凝號詔赦天下 蔥田案世宗復建九廟三代以後一大鉅典 此條以備考鑒 廷議反復相度規制俱有關係特詳載通考

金分四月白雪

祖獻皇帝廟號唇宗遂奉曆宗神主科太廟瞬武宗上 穆兄弟同世次殷有四君一世而同廟不係父子故 開創同當稱祖以别之嵩遂上議曰古者父子異的 詔議太廟禮學士宋湜議以太祖太宗合祭同位其 帝因嚴萬請既刺禮部議又諭萬曰太宗靖難功與 後稀拾圖又以太祖太宗同居昭位皆古事之可據 也晉則十一室而六世唐則十一室而九世宋真宗 明史紀事本末十七年秋七月議科皇考於太廟初

次定四車全書

五禮通考

台ラセス と言 者不得稱漢世稱祖者二萬祖世祖光武再造漢室 者皇考孝宗弟也臣謂宜奉皇考於孝宗之廟我太 故無二祖之嫌我丈皇定門持危功莫大馬尊稱為 馬聖心必有所不安又曰古禮宗無定數祖非有功 祖即位仁祖雖自布衣必饗天子之祀皇考顧獨關 太宗文皇帝為成祖皇考獻皇帝為唇宗癸未科皇 祖聖見允宜嵩奏出羣臣翕然無異議九月辛已奉 考於太廟

明史世宗本紀嘉靖二十年夏四月辛酉九廟炎燉成 然升稍太廟而躋於武宗之上不已過乎 與大獄夫天性至情君親大義追尊立廟禮亦宜之 明史本紀贊世宗送議大禮與論沸騰倖成假託尋 議大禮蓋至是而其心始快未幾九廟災得 制卒不可復矣 母同於春秋逆祀之說乎乃因是而九廟之 蕙田案此歴代以來宗廟一變禮也世宗迭

夕百日白雪

五禮通考

禮志太廟災奉安列聖主於景神殿遣大臣詣長陵獻 祖仁宗主 金月正月月十 世宗本紀嘉靖二十四年六月壬辰太廟成 明史禮志二十二年十月以舊廟基隘命相度規制議 陵告題帝后主亦奉安景神殿 三上不報久之乃命復同堂異室之舊廟制始定 春明夢餘錄八廟燬初震火起仁廟風大發主燬俄 而成祖廟火又燈延藝太廟及羣廟惟屠廟存

左四序成宣憲層右四序仁英孝武皆南向 定位次帝曰既無昭移亦無世次只序倫理太祖居中 禮志二十四年六月禮部尚書費家等以太廟安神請 CIO TO MANDE 七月以建廟禮成百官表賀韶天下廟仍在闕左 聖親王祝帛西燎列功臣帛南為戟門設具服小次 間設親王功臣牌位前為两庭東西二燒爐東燒列 冠袍帶置而藏之祭則陳設祭軍仍藏置中東西側 春明夢餘録新廟成正殿九間內貯諸帝后冕旒鳳 五禮通考

禮志二十七年帝欲以科孝烈皇后方氏於太廟而桃 孝烈皇后於太廟 明史世宗本紀嘉靖二十九年十一月壬寅祧仁宗祔 仁宗大學士嚴萬禮部尚書徐階等初皆持不可既而 向 奉安列聖神主皆南面又為桃廟五間藏祧主皆南 牲亭南為神宫監西為廟街門正殿後為寝殿九間 門左為神庫右為神厨又南為廟門門外東南為宰

金月四月石書

卷八十四

移宗本紀隆慶二年十二月庚寅世宗神主祔太廟 后同科廟先是孝潔薨未有本室禮官議暫祔奉慈殿 至世宗崩禮官高儀等表部曰孝潔皇后肅皇帝元配 明會與嘉靖四十五年世宗升祔更奉元配孝潔肅皇 明史世宗本紀嘉靖四十五年十二月庚子帝崩隆慶 也禮太廟科饗惟一帝一后后惟元配今孝烈先科若 元年正月上尊諡廟號世宗 不能堅其議二十九年桃仁宗遂科孝烈於西第四室 五禮通考 圭

於弘孝殿上從之 遂不祔舍元配而祔繼配亦非制請孝潔祔饗移孝烈 奉孝潔同祔則二后並配非制若以孝烈先祔而孝潔 安因言古者以一世為一廟非以一君為一世故晉之 廟而宣宗勿桃疏下禮部部議宣宗世次尚近桃之末 禮科陸樹德言宣宗於穆宗僅五世請仍科庵宗於世 金元四母全書 禮志隆慶六年八月穆宗将科廟勒禮臣議當桃廟室 明史神宗本紀神宗二年五月辛丑穆宗神主科太廟

追四祖至徽宗始定為九世十一室之制以太祖太宗 廟十一室而六世唐之廟十一室而九世宋自太祖上 宋制可以無桃但於寝殿左右各增一室則尊祖敬宗 文三日巨 A 10 太常紀神宗九年禮科給事中丁汝謙奏列聖當君臨 並行不悖矣帝命如舊動行遊被宣宗 二室今自宣宗至穆宗凡六世上合二祖僅八世準以 以與欽宗同一世皆無所祧及光宗升祔增為九世十 同為一世故也其後微宗袝以與哲宗同一世高宗科 五禮通考 テハ

廟 金与巴尼白書 右又非禮且世廟常尊百世不遷宜以曆宗專祭於世 天下曆皇帝北面事之一旦與之並列非禮醉武宗之 陵廟曠儀以垂典制疏竊唯國家之事莫大於祀典 祀典之起實由於人心故質之人心而有不容已皆 屬親親在列聖容有欲為之志而陛下當有善繼之 祀之不可廢而聖哲之所必舉者也知事關陵廟情 明奏疏神宗十三年禮科都給事中萬象春請修舉

往際當建文君沒成祖駐營龍江發哀命有司治丧 **基以天子之禮遣官致祭當其時固未當不陵不祭** 基成祖定民自太祖以後成祖以前其問君臨天下 復二曰景帝之廟號宜尊臣請得言之洪惟太祖開 也乃今令甲所載止孝陵及懿文太子陵而建文君 今祭享無間陵園不治行道之人欲歐歎息臣當考 者不有建文君乎既緣靖難兵至避位自焚延迄於 圖者乎臣所議於今日者有二一日革除之陵廟宜

たこり巨小馬

五禮通考

金历正是有事 皇上登極之初首發明記令得祀於其鄉通又允言 遣官祀於其陵而别稱帝皇建號按臨臣民至四五 典禮凡前代帝皇有功德於民者除歲時廟祭外問 者反不得一杯之土一勺之水宜天下人心惋然而 官之奏凡諸臣墳墓苗裔咸崇修治恤録而為之君 於後耶亦異乎成祖至公至厚之人心矣國家修明 年首為一代嗣統之正者乎又如革除死事諸臣我 不與馬兹何以故豈成祖許之於先而所司顧廢之

建以天子之禮必宜享天子之祭既享天子之祭自 時一體祭祀仍乞上尊諡以表追報之隆復年號以 木之變國家岌岌乎幾不可保景皇帝奉太后命進) 當復其有天下之號記特天下之心固亦成祖之心 登寶位鎮安人心倚任忠良克戡禍亂卒至蠻與反 正君臨之體此非臣等今日私議也當在成祖時既 深悲也似宜動下所司即其原差處所立為陵廟歲 也而何顧忌之有與至於景皇帝之事則又異矣土 丘建乱考

金定匹库全書 然而廟號未加陵制有儉生有安天下之功而崇報 缺典臣等待罪該科每見太常寺歲祭題請祭祀其 祭以帝禮先靈顯赫亦既足以述先志而昭往烈矣 典之正也憲宗統皇帝時特允廷臣建議復其帝號 **贬損蓋一時軒輕之勢則然而實非人心之公與國** 景皇帝之力豈可誣哉迨升遐之日諡號葬祭奉從 正宗社寧諡聖子神孫所以晏安坐享全盛之業者 不稱沒宜享天下之號而物故未彰其於國制終屬 卷八十四

東當必有缺然于兹者矣似宜遵照典制備加尊諡 制與諸陵異雖致祭於陵而不得祔祭於廟仰窺聖 皇帝陵躬為致祭誠重之矣乃其祭與諸陵同而其 遣官行禮諸陵皆同固未有隆殺矣即如前歲駕幸 門垣等項稍加穹廣仍量培療城增建明樓以稱帝 如以逼近恭讓皇后陵勢難展拓第就其見在凝無 仍恭上廟號的示無疆其陵制隘區尤須亟為饭改 山陵行春祀禮臣象春忝扈從之列見我皇上於景 五禮過老

金定四庫全書 题 者藏衣冠之地至於恭讓太后陵亦宜一體修治律 次夫是以不敢妄議若英廟之於景皇帝兄弟也其 成祖之上則倫序匪宜而位於成祖之下則君臨失 正位大寶殿英廟先而景帝後也昭穆所在既無踰 等於建文君止議尊諡而不敢更及廟號景皇帝業 德其於陛下繼述之孝制作之隆豈不有光哉夫臣 得鬱然相望如此庶足以慰在天之靈而彰沒世之 以帝號稱矣而復以廟號請者何也良以進建文于

J. 17 J. ... 188/ 越之嫌而功徳比隆尤無偏廢之禮臣等切以為廟 関係重大率難輕舉合無上奉其主藏於桃廟唯於 妨礙紛景帝係宣廟子宣廟既以奉祧則景皇帝亦 成暮袷祭時出其主於英廟之下則親親尊尊两不 號之不可不立者以此如以為進一廟則當桃一廟 敬循職掌轍敢冒昧上言伏乞勅下禮官詳加酌議 在上盡倫盡制百代一時殷禮肇稱於今有待臣等 屬應祧之數天意人事有適會於今日者仰惟聖明 五遭通考

金斤匹库全書 喜宗本紀天啟二年九月甲午朔光宗神主祔太廟 請無挑憲宗而桃磨宗不聽 明史禮志天啟元年七月光宗将科廟太常卿洪文衡 莊烈帝本紀崇禎二年八月甲戌妻宗神主祔太廟 帝不允 一請舉行以慰人心企望之殷以垂一代經常之則 之關 蕙田案象春持議極正存之以補明代廟制

コンショラ とよう 東 皇帝慈孝獻皇后東第二室武宗毅皇帝孝靖毅皇 第一室成祖文皇帝仁孝文皇后西第一室廢宗獻 太常紀太廟規制中室太祖高皇帝孝慈高皇后東 后西第二室世宗肅皇帝孝潔肅皇后東第三室穆 宗注皇帝孝懿注皇后西第三室神宗顯皇帝孝端 皇帝后熙祖裕皇帝后仁祖淳皇帝后仁宗昭皇帝 室真宗哲皇帝其桃廟所藏德祖元皇帝后懿祖恒 顯皇后東第四室光宗貞皇帝孝元貞皇后西第四 五禮通考 四十二

